

Mazarin
3553

La Riviere en fvite
apres son debordement

RARE BOOK
COLLECTION



THE LIBRARY OF THE
UNIVERSITY OF
NORTH CAROLINA
AT
CHAPEL HILL

Mazarin
3553

UNIVERSITY OF N.C. AT CHAPEL HILL



00023010661

LA
RIVIERE
EN FVITE

APRES SON DEBORDEMENT,

*Avec l'emprisonnement du Cheualier
son Frere au Chasteau de la
Bastille.*



A P A R I S ,
Chez la vefue d'ANTOINE COVLLON,
ruë d'Efcoffe, aux trois Cramailleires.

M DC. L.

L A
RIVIERE
EN FVITR

APRES SON DEBORDEMENT

par le sieur de la Riviere
le 15 Mars 1712



A PARIS,
Chez ANTOINE COVELLON,
sur le Pont Neuf, au Salon de la
M D C L



L A
R I V I E R E
E N F V I T E

APRES SON DESBORDEMENT,

*Avec l'emprisonnement du Chevalier
son Frere au Chasteau de la
Bastille.*

NOS larmes ont assez fourny
de matiere aux debordemens
de cette Riviere, dont l'in-
solence menaçoit naguere
nos maisons d'un deluge uni-
versel, & nostre jeune Monarque s'est
assez long-temps seruy de ce fleau pour
la punition de ses peuples. Paris, dans
ces derniers temps, estonné de voir la
Seine, ce Fleuve si benin, armée à la

punition de sa desobeissance, n'a pas toutefois tant murmuré de ce chastiment, que des violences qu'il a receües de cet autre Riuiere, dont l'orgueil n'a jamais trouué de bornes que dans l'abisme de son ambition, Les plus grandes Riuieres sont d'ordinaire bien-faisantes aux peuples, qu'elles arrosent. Le Nil ce Fleuve celeste ne se grossit que pour engresser la terre, & rendre par ses bien-faits des preuues manifestes de son excellente origine : mais que pouuoit-on attendre de cette Riuiere, dont la source n'a rien de commun avec celle de Fleuve d'Egypte, sinon qu'elle est inconnue comme la sienne? Aussi ce petit ruisseau engendré dans la boue, ne s'est accru que par des rauines, & comme vn Torrent que les orages forment, ne s'est fait renommer que par les desordes & les rauages qu'il a causez. Ce monstre d'orgueil & de meconnoissance, ce crocodile sorti d'vn petit œuf, ce petit Aumosnier de l'Euesque de Cahors, qui n'agueres méprisait les Mitres & les Croix d'Archeuesques, apres auoir taché d'embrouiller les affaires du Royaume, & auoir succé

succé le sang des peuples, vouloit en-
 core paroistre sous la pourpre, & cou-
 urir l'horreur de ses crimes de ce man-
 teau sacré. Mais enfin le Ciel l'eclairoit,
 & l'aspect diuin de leurs Maiestez dai-
 gne adoucir nos souffrances, & desse-
 cher nos larmes en tarissant cette Riuie-
 re, qui nous auoit fait apprehender le re-
 tour du siecle de Pirra, ce mauuais Mi-
 nistre, s'estant insinué aux bonnes gra-
 ces du meilleur & plus genereux Prin-
 ce du sang de nos Rois, & que l'on
 pourroit iustement appeller pere des peu-
 ples, n'estoit pas satisfait de posseder en-
 tierement la faueur, il vouloit encore
 par sa mauuaise conduite, éloigner de
 dessus cette teste Royale, les benedi-
 ctions & l'amour des Peuples: mais le
 bon Ange de la France a sceu débrouil-
 ler ce cahors, & par vn coup inesperé,
 a renuersé tous les projets de Factieux.
 Son Altesse Royale, pleinement infor-
 mée des artifices de ce lasche fauory, l'a
 priué avec raison d'une bien-veillance
 qu'il possedoit avec ingratitude, & con-
 noissant que tous ses mauuais conseils ne
 tendoient qu'à la ruine de l'Estat: l'a enfin

honteusement chassé d'aupres de sa personne, & ce Prince tout clemēt n'a pū retarder cette justice qu'il deuoit à l'Estat & à soy-mesme. Lundy au soir la Riuere, qui depuis la detention des Princes qui s'estoit faite à son insceu, auoit tousiours esté en apprehension de sa defaueur, receut commandement de partir le lendemain à cinq heures du matin, & se retirer en sa maison de Bourg, avec ordre de ne s'esloigner de six lieues de Paris; Son Frere pareillement appelé le Cheuallier de la Riuere, cy-deuant Gouverneur du pais d'Albret, fut arresté Dimanche matin par le Comte de Tresmes, & conduit prisonnier à la Bastille. Ainsi puisse nostre jeune Alcide François abbatre tous les monstres, qui troubleront la prosperité de son regne, & acheuer heureusement le bonheur de la France, qu'il a commencé si glorieusement par cette memorable justice, & qu'apres l'auoir deliuré de la crainte des armes Estrangeres, il puisse gouster le repos que luy ont aquis ses Victoires.

